

He Matatapu

Te Tari o te Minita Tuarua mō te Mātauranga

Te Komiti Oranga ā-Pāpori

Te Arotake Matea Nui Rawa: Te Hōkai me ngā Tikanga Ārahi

Te Marohi

- 1 E whai ana tēnei pepa i tā te Rūnanga Matua whakaaetanga ki te Hōkai o te Arotake o ngā Wawaonga mā ngā Ākonga whai i te Taumata Nui Rawa o ngā Matea Tautoko Akoranga.

Te hononga ki ngā whakaaroatau a te kāwanatanga

- 2 E pā ana te Arotakenga ki ngā takohanga i mua i te pōtitanga i tohua ki te Kaupapa Here Mātauranga a te Rōpū Reipa mō te pōtitanga 2020. E whāia ana kia kōkiritia tonutia te whakatutukitanga o ngā whāinga e rima a te Kāwanatanga mō te mātauranga, ā, e tautokona ana hoki te whakatutukitanga i tā te Kāwanatanga Rautaki mō ngā Tamariki me ngā Taiohi.

Whakarāpopoto Matua

- 3 E ū ana te Kāwanatanga ki te hāpai i te motika o ngā tamariki me nga taiohi katoa ki te whai mātauranga me te tautoko e tika ana kia ako ai, kia angitu ai i runga i te tūnga ūrite ki ētahi atu. He nui nga mahi e kōkiritia ana i te rāngai mātauranga ki te whai atu i taua takohanga.

- 4 Kua āta whakamahia ngā kupu 'children/tamariki', 'young people/taiohi' hoki ki tēnei pepa kia whai wāhi ngā tamariki me ngā taiohi Māori tae atu hoki ki ngā tamariki me ngā taiohi nō ērā atu mātāwaka, ērā atu ao anō hoki.

- 5 Ka taea e te nuinga o ngā tamariki me ngā taiohi te whakatutuki i te angitu mātauranga mai i ngā tautoko āhua iti, ngā urutau āhua iti hoki i roto tonu i ūrātou akomanga, i ūrātou kura hoki. Ka rerekē te whakamārama o te angitu i runga i ngā whāinga, i ngā wawata, i ngā hiahia o ia tamaiti, o ia taiohi rānei. Heoi ano, he nui ake te kite wheako a ētahi tamariki, a ētahi taiohi hoki i ngā ārai nui ake o te āheinga atu ki te marautanga i runga i te tūnga ūrite ki ētahi atu, ā, ka hiahiatia ngā tautoko heipū tāpiri, tautoko whaiaro rānei, hei tūraki i aua āraitanga

- 6 Ka ārahina te wawata o te Manatū o tētahi pūnaha mātauranga whakauruuru e te United Nations Convention on the Rights of Persons with Disabilities (UNCRPD) Atikara 24, me te Committee's General Comment on the right to education, me te whakamārama a te Komiti o te mātauranga whakauruuru. Ka ārahina e te New Zealand Disability Strategy te urupare pokapū whānui a te Kāwanatanga ki te UNCRPD, tae atu ki te putanga tuatahi mō te mātauranga.

- 7 Kei roto i te Hōtaka Mahi mō te Rautaki Oranga Tamaiti me te Taiohi te *Mahere Mahi Tautoko Akoranga 2019-2025* (Te Mahere Mahi) e whakapuaki ana i te wawata o te Kawanatanga mō te pūnaha mātauranga whakauruuru ko tēnei “e rongo ai ia tamaiti i

te wairua o te whai wāhi, e aronui ana, e kōkiri whakamua ana, e tautiakina ana, e whakatairangatia ana hoki tōna oranga, e noho ana te tūāoma hei haerenga ao katoa, te wāhi hoki e whiwhi ana ngā tamariki me ngā taiohi whai matea tautoko akoranga i te tautoko tika i te wā tika. He mea nui kia whakapono ngā tamariki me ngā taiohi me ō rātou whānau ka whakatutukihia tēnei ahakoa ko tēhea ratonga kōhungahunga, ko tēhea kōhangā reo, ko tēhea kura rānei e haere nei tā rātou tamaiti."

- 8 He take pūnaha tonu e pā ana ki te āheinga me te tukunga o ngā tautoko ūnga, whaiaro hoki. E whakaū ana te whakaarotau tuawhā o te Mahere Mahi i te Kāwanatanga kia "Arotake i ngā tautoko mā ngā tamariki me ngā taiohi whai i ngā taumata matea nui rawa, tae atu ki te Kaupapa Tuku Rauemi Haere Tonu, hei whakarite i te whakatutukitanga o ngā matea o ngā tamariki me ngā taiohi, ā, e whakatutukihia ana te putanga takune"(te Arotake).
- 9 Ka tūtohu ahau i te Hōkai o te Arotake:
- 9.1 He whai te aronga tamaiti tūtahi, ā, kāore i te tautuhia ngā tamariki, ngā taiohi rānei e te whakatau mate, e te hauātanga, e te mate, e te rerekētanga akoranga aro whāiti rānei, engari e aro kē ana ki ngā tautoko e hiahia ana e ngā tamariki me ngā taiohi, ā, ka pēhea tā rātou āhei atu ki te tautoko. Kei roto i ēnei ko rātou:
- 9.1.1 kei te whiwhi i te tautoko ā-whaiaro i tēnei wā tonu
- 9.1.2 he matea tōna mō te tautoko ā-whaiaro, kāore anō i ea
- 9.1.3 kei ngā taiao āheinga tōrite ki ēnei tautoko
- 9.2 Ka aro atu ki te tūāoma o ngā tamariki me ngā taiohi hoki i te pūnaha mātauranga, mai i te akoranga kōhungahunga tae atu ki te tautoko i te whakawhitinga atu i te kura tuarua.
- 9.3 Kei roto hoki te āhua o te āheinga o ngā tamariki me ngā taiohi hoki ki ngā tautoko ahakoa kei hea rātou e ako ana.
- 9.4 Ka whai whakaarotia te hiahia mō ngā tauārai urutau i waenga i ngā wāhi mātauranga hei āki, hei whakarite hoki i ngā hononga mahi pakari ake e taea ai e ngā kura katoa te whakauru māmā ake ki ngā tohungatanga e noho ana i ngā taiao mātanga.
- 9.5 Kei roto hoki ko te āhua o te āhei atu ki ngā tautoko, ki ngā ratonga hoki. Ka uru hoki ki tēnei ko te arotake i ngā paearu mārō, aronga takarepa hoki, me ngā hātepe tono o nāianei hei whakatau ko ēhea ngā tamariki, ngā taiohi ka āhei atu ki ngā tautoko, he aha te taumata o te tautoko e hiahia ana, me te roa o te wā ka tukuna ai te tautoko.
- 9.6 Ka whakamaheretia ngā whakaritenga o nāianei mō te tuku pūtea, mō te tuku rauemi ki ngā raraunga hou mō te horapa, mō te matapae o te tautoko kua whakawhaiarotia hei whakamōhio i ngā kōwhiringa, i ngā otinga kia tawhiti atu i te tauira tūwehe o nāianei o te tautoko.

- 9.7 Ka aromatawaihia te urupare o ngā tautoko ki ngā hiahia o tētahi tamaiti, o tētahi whānau rānei, ā, ka pēhea ngā tautoko e āwhina i ngā tamariki, i ngā taiohi ki te tautuhī, ki te whakatutuki i ngā angitu.
- 9.8 Ka uru te hiahia ki te whakahāngai i ngā ratonga, i ngā tautoko puta noa i ngā tari kāwanatanga mā ngā tamariki, mā ngā taiohi, mā ō rātou whānau, tae atu ki te hiahia mō ngā tautoko tika ā-ahurea.
- 9.9 Ka whanaketia te mātauranga, te māramatanga, te āheinga hoki o ngā tāngata ki te whakautu, ki te whakaheke hoki i ngā ārai e kite wheakotia ana e ngā tamariki me ngā taiohi ki ngā taumata katoa o te whatunga; arā te taumata pokapū, akomanga hoki, te taumata whakahaere, te taumata mana whakahaere, te taumata kaiako rauemi, mātanga hoki, te taumata Manatū anō hoki.